



五代史記卷第五十九

司天考二

宋歐陽脩撰徐無黨注明汪文盛置國憲傳汝舟校

昔孔子作春秋而天人備予述本紀書人而不書天予何敢異於聖人哉其文雖異其意一也自堯舜三代以來莫不稱天以舉事孔子刪詩書不去也蓋聖人不絕天於人亦不以天參人然天於人則天道廢以天參人則人事惑故常存而不究也春秋雖書日食星變之類孔子未嘗道其所以然者故其弟子之徒莫得有所述於後世也然則天果與於人乎果不與於人乎曰天吾不知質諸聖人之言可也易曰天道虧盈而益謙地道變盈而流謙鬼神害盈而福謙人道惡盈而好謙此聖人極論天人之際最詳而明者也其於天地鬼神以不可知爲言其可知者人而

已夫日中則是盛衰必復天吾不知吾見其虧盈於物者矣草木之成者變而衰落之物之下者進而流行之地吾不知吾見其變流於物者矣人之貪滿者多禍其守約者多福鬼神吾不知吾見人之禍福者矣天地鬼神不可知其心則因其著於物者以測之故據其迹之可見者以爲言曰虧益曰變流曰害福若人則可知者故直言其情曰好惡其知與不知異辭也參而會之與人無以異也其果與於人乎不與於人乎則所不知也以其不可知故常尊而遠之以其與人無所異也則修吾人事而已人事者天意也書曰天視自我民視天聽自我民聽未有人心悅於下而天意怒於上者未有人理逆於下而天道順於上者然則王者君天下子生民布德行政以順人心是之謂奉

天至於三辰五星常動而不息不能無盈縮差忒之變而占之有中有不中不可以爲常者有司之事也本紀所述人君行事詳矣其興亡治亂可以見至於三辰五星逆順變見有司之所占者故以其官誌之以備司天之所考嗚呼聖人既沒而異端起自秦漢以來學者或於災異矣天文五行之說不勝其繁也予之所述不得不異乎春秋也考者可以知焉

開平二年夏四月辛丑熒惑犯土將甲寅地震四年十二月庚午月有食之乾化元年春正月丙戌朔日有食之五月客星犯帝座二年正月丙申熒惑犯房第二星戊申月犯心大星四月甲寅月掩心大星壬申彗出于張甲戌彗出靈臺同光元年十月辛未朔日有食之二年六月甲申

衆星交流八月戊子熒惑犯星十一月丁巳地震三年三月丙申熒惑犯上相戊申月有食之四月癸亥朔日有食之甲子熒惑犯左執法去六月甲子太白晝見丙寅歲犯右執法己巳太白晝見庚寅衆星流自二更盡三更而止辛卯衆小星流于西南九月甲辰月有食之丁未天狗墮者聲如雷野雉皆雉丙辰太白歲相犯十一月甲寅地震天威元年三月惡星入天庫流星犯天厝四月庚戌金犯積尸六月乙未衆小星交流七月己未月犯太白庚申太白晝見乙丑月入南斗魁八月乙酉朔日有食之癸卯太白犯心大星乙巳月犯五諸侯辛亥熒惑犯上將九月丁巳月犯心大星己巳月犯昴庚午熒惑犯右執法己卯熒惑犯左執法十月戊子熒惑犯上相己丑至于庚午日月赤

而無光丙午月掩左執法十一月丁丑月暈虛火木戊寅月犯金木十二月戊戌熒惑犯心乙巳月掩庶子二年正月甲戌熒惑歲相犯二月辛卯熒惑犯鍵閉三月戊午月掩鬼庚申衆小星流于西北巳巳熒惑犯上相乙亥月入羽林四月丁亥月犯右執法癸卯月入羽林六月辛丑熒惑犯房八月己卯朔日有食之庚子月犯五諸侯九月壬子歲犯房庚申月入羽林壬申月犯上將十月壬午月犯五諸侯癸未地震十一月乙卯月入羽林辛未地震十二月癸未地震二年春正月壬申金火合于奎二月丁丑朔日有食之四月丁酉月犯五諸侯五月丁巳月掩房距星六月乙酉月掩心庶子癸巳月入羽林自正月至于月宗人宗正搖不止七月乙卯月入南斗魁閏

八月癸卯朔熒惑犯上將戊申月犯南斗乙卯熒惑犯右
執法庚戌太白犯右執法九月庚辰土木合于箕辛巳金
火合于軫十月庚午彗出西南十一月戊子月掩軒轅大
星乙未太白犯鎮月掩房十二月壬寅朔熒惑犯房金木
相犯于斗乙卯月有食之四年正月癸巳月入南斗魁二
月辛酉月及火土合于斗三月壬辰歲犯牛六月癸丑月
有食之既七月丁丑月入南斗九月丙子熒惑入哭星十
二月庚戌月有食之既長興元年六月癸巳朔日有食之
乙卯太白犯天鐔八月己亥月犯南斗乙卯月犯積尸九
月辛酉朔衆小星交流而隕十一月壬戌熒惑犯氏十二
月丙辰熒惑犯天江二年正月乙亥太白犯羽林五月癸
亥太白晝見閏五月乙巳歲晝見六月壬午地震八月丁

巳辰犯端門九月丙戌衆星交流丁亥衆星交流而殞戊
子太白晝見丁未雷十一月甲申朔日有食之丙戌太白
犯鍵三年四月庚辰熒惑犯積尸九月庚寅太白犯哭星
十月壬申太白晝見十月己亥太白犯辟壘四年五月癸
卯太白晝見六月庚午衆星交流六月乙亥朔衆星交流
九月辛巳太白犯右執法乙未雷應順元年二月丁酉衆
星流于西北四月戊寅白虹貫日是月改元清泰元年五
月己未太白晝見六月甲戌太白犯右執法九月辛丑衆
星交流壬寅兩雹于京師冬十一月丁未彗出虛危掃天
壘及哭星天福元年二月壬子熒惑犯積尸二年正月乙
卯朔日有食之七月丙寅月有食之十二月己卯朔日有
白虹二三年三月壬子日有白虹二五月壬子月犯上將

四年四月辛巳太白犯東井北轅甲午太白犯五諸侯五
月丁未太白犯輿鬼中星七月庚子朔日有食之九月癸
未月掩畢五年十一月丁丑月有食之六年八月辛卯太
白犯軒轅九月巳卯熒惑犯上將壬子彗出于西掃天市
垣八年四月戊申朔日有食之八月丙子熒惑犯右掖十
月庚戌彗出東方丙辰熒惑犯進賢十一月庚子月犯房
開運元年二月辛亥日有白虹二壬戌太白犯昴巳巳熒
惑犯天鑰三月戊子月有食之四月丁巳太白犯五諸侯
七月庚辰月犯熒惑壬午月入南斗甲申太白犯東井八
月甲辰熒惑入南斗九月庚午朔日有食之丙子月入南
斗乙酉月食昴丙戌月有食之庚寅月犯五諸侯十月癸
卯月入南斗十一月辛巳月犯昴十二月癸丑太白犯辰

二年七月乙未朔月犯角壬寅月犯心前大星庚戌歲犯
并鉞八月甲子朔日有食之甲戌歲犯東井九月巳酉月
犯昴甲寅太白犯南斗魁十一月甲午朔太白犯哭星癸
丑月掩角距星戊午月犯心後星二年二月壬戌朔日有
食之天福十二年四月丙子太白晝見十月巳丑太白犯
元距星十一月壬子兩木冰辛酉兩水冰壬戌月犯昴癸
酉兩木冰乙亥月掩心大星巳卯月犯南斗十二月乙未
月有食之乾祐元年四月甲午月犯南斗六月戊寅朔日
有蝕之乙未月入南斗七月甲寅月掩心庶子星八月
乙酉鎮犯太微西垣戊戌歲犯右執法九月丁卯月掩鬼
十月丁丑歲犯左執法二年四月壬午太白晝見六月癸
酉朔日有食之壬午月犯心丙戌月犯天關八月乙亥月

犯房次將九月壬寅太白犯右執法庚戌太白犯鎮辛酉
鎮犯右執法丁卯太白犯歲鎮自元年八月己丑入太微
垣犯上將執法內屏謁者勾己往來至是歲十一月辛亥
而出四百四十三日甲寅月犯昴二年二月甲戌月犯昴六月乙卯
鎮犯左掖七月甲申熒惑犯司怪八月癸卯太白犯房庚
戌太白犯心大星十月辛酉月犯心大星太白犯木十一
月甲子朔日有食之廣順元年二月丁巳歲犯咸池己未
熒惑犯五諸侯三月甲子歲守心己卯熒惑犯鬼壬午熒
惑犯天戶四月甲午歲犯鈞鈴二年二月庚寅太白經天
四月丙戌朔日有食之七月乙丑熒惑犯井鉞八月乙未
熒惑犯天罇九月辛酉熒惑犯鬼庚辰太白掩右執法十
月壬辰太白犯進賢三年四月乙丑熒惑犯靈臺五月辛

巳熒惑犯上將丙申熒惑犯右執法七月乙酉月犯房十
二月戊申雨木冰顯德元年正月庚寅有大星墜有聲如
雷牛馬皆逸京城以為曉鼓皆伐鼓以應之二年正月壬
戌有星孛于參十一月庚午白虹貫日癸酉月有食之
五代亂世文字不完而史官所記亦有詳畧其日月五星
之變大者如此至於氣侵之象出沒銷散不常尤難占據
而五代之際日有冠珥環暈纓紐負抱戴履背氣十日之
中常七八其繁不可以勝書而背氣尤多天福八年正月
丙戌黃霧四塞九年正月乙未大霧中二白虹相偶四月
庚戌大霧中有蒼白二虹廣順元年十一月甲子白虹竟
天此其尤異者也至於吳火出楊林江水中閩天兩豆之
數皆非中國耳目所及者不可得而悉書矣

五代史記卷第五十九

五代史記卷第六十

職方考三

宋歐陽脩撰徐無竟注明汪文盛高澂傳汝舟校

嗚呼自三代以上莫不分土而治也後世鑒古矯失始郡縣天下而自秦漢以來爲國孰與三代長短及其亡也未始不分至或無地以自存焉若得其要則雖萬國而治失其所守則雖一天下不能以容豈非一本於道德哉唐之盛時雖名天下爲十道而其勢未分既其衰也置軍節度號爲方鎮鎮之大者連州十餘小者猶兼三四故其兵驕則逐帥師彊則叛上土地爲其世有干戈起而相侵天下之勢自茲而分然唐自中世多故矣其興衰救難常倚鎮兵扶持而侵凌亂亡亦終以此豈其利害之理然歟自僖昭以來日益割裂梁初天下別爲十一南有吳浙荆湖閩

漢西有岐蜀北有燕晉而朱氏所有七十八州以為因莊
 宗初起并代取幽滄有州三十五其後又取梁魏博等十
 有六州合五十一州以滅梁岐王稱臣又得其州七同光
 破蜀已而復失惟得秦鳳階成四州而營平二州陷于契
 丹其增置之州一合一百二十三州以為唐石氏天立獻
 十有六州于契丹而得蜀金州又增置之州一合一百九州
 以為晉劉氏之初秦鳳階成復入于蜀隱帝時增置之州
 一合一百六州以為漢郭氏代漢十州入于劉昫世宗取
 秦鳳階成瀛莫及淮南十四州又增置之州五而廢者三
 合一百一十八州以為周宋興因之此中國之大畧也其
 餘外屬者強弱相并不常其得失至於周末閩已先亡而
 在者七國自江以下二十一州為南唐自劍以南及山南

西道四十六州為蜀自湖南北十州為楚自浙東西十三
 州為吳越自嶺南北四十七州為南漢自太原以北十州
 為東漢而荆歸峽三州為南平合中國所有二百六十八
 州而軍不在焉唐之封疆遠矣前史備載而羈縻寄治虛
 名之州在其間五代亂世文字不完而時有廢省又或陷
 于夷狄不可考究其詳其可見者具之如譜

州	梁	唐	晉	漢	周
都	都	都	都	都	都
洛	洛	洛	洛	洛	洛
雍	雍	雍	雍	雍	雍
兗	兗	兗	兗	兗	兗
沂	沂	沂	沂	沂	沂

濮	曹	鄆	宿	徐	萊	登	棣	齊	淄	青	密
有	有	有 <small>平天</small>	有	有 <small>武寧</small>	有	有	有	有	有	有 <small>平盧</small>	有
有	有	有	有	有	有	有	有	有	有	有	有
有	有 <small>威信</small>	有	有	有	有	有	有	有	有	有	有
有	有 <small>罷</small>	有	有	有	有	有	有	有	有	有	有
有	有 <small>信章</small>	有	有	有	有	有	有	有	有	有	有

襄	滑	鄭	汝	許	蔡	陳	潁	單	亳	宋	濟
有 <small>宣義</small>	有	有	有	有 <small>國庄</small>	有	有	有	有 <small>州輝</small>	有	有 <small>武宣</small>	有
有	有 <small>義城</small>	有	有	有 <small>武思</small>	有	有	有	有 <small>改白</small>	有	有 <small>德歸</small>	有
有	有	有	有	有	有	有 <small>鎮安</small>	有	有	有	有	有
有	有	有	有	有	有	有 <small>軍廢</small>	有	有	有	有	有
有	有	有	有	有	有	有 <small>後</small>	有	有	有	有 <small>太祖</small>	有

孟	蒲	甲	安	復	唐	郢	隨	鄧	金	房	均
有	有	有	有	有	有	有	有	有	有	有	有
<small>三河陽</small>	<small>國護</small>		<small>威宣</small>				<small>此宣</small>	<small>蜀武</small>			
有	有	有	有	有	有	有	有	有	有	有	有
			<small>遠安</small>				<small>軍</small>	<small>蜀</small>			
有	有	有	有	有	有	有	有	有	有	有	有
			<small>軍</small>				<small>懷德</small>	<small>尋</small>			
有	有	有	有	有	有	有	有	有	有	有	有
			<small>復</small>								
有	有	有	有	有	有	有	有	有	有	有	有
			<small>龍</small>				<small>勝</small>				

寧	邠	解	耀	同	商	華	號	陝	絳	晉	懷
有	有		有	有	有	有	有	有	有	有	有
	<small>難靜</small>		<small>勝義</small>	<small>武忠</small>	<small>化威</small>		<small>國鎮</small>		<small>初日定昌</small>	<small>後日星寧</small>	
有	有		有	有	有	有	有	有	有	有	有
			<small>後曰權州</small>	<small>國匡</small>	<small>國鎮</small>		<small>義</small>		<small>建</small>	<small>建</small>	
有	有		有	有	有	有	有	有	有	有	有
有	有	有	有	有	有	有	有	有	有	有	有
		<small>隱帝</small>									
有	有	有	有	有	有	有	有	有	有	有	有
			<small>軍</small>		<small>軍</small>						

國史通考

卷之三

乾	鳳	階	城	秦	武	渭	原	涇	隴	岐	鹽
岐	岐	岐	岐	岐	岐	岐	岐	岐	岐	岐	有
<small>李茂 真置</small>	<small>武興</small>			<small>雄天</small>			<small>義彰</small>		<small>翔</small>		
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	蜀	蜀	蜀	蜀	有	有	有	有	有	有	有
有	有	有	有	有	有	有	有	有	有	有	有

靈	宥	綏	銀	夏	延	丹	坊	廊	威	衍	慶
有	有	有	有	有	有	有	有	有		有	有
<small>朔</small>				<small>定</small>	<small>忠</small>			<small>保</small>			
有	有	有	有	有	有	有	有	有		有	有
				<small>彰</small>							
有	有	有	有	有	有	有	有	有	<small>高祖</small>	有	有
有	有	有	有	有	有	有	有	有	有	有	有
有	有	有	有	有	有	有	有	有	<small>改曰</small>	有	有
								<small>環州</small>			

魏	博	貝	衛	澶	相	邢	洛	磁	鎮	冀	深
有 <small>有天</small>	有	有	有	有	有 <small>德昭</small>	有 <small>保</small>	有	有 <small>改曰</small>	有 <small>武</small>	有	有
唐	唐	唐	唐	唐	唐	唐	唐	唐	唐	唐	唐
有	有	有	有	有	有	有	有	有 <small>復曰</small>	有 <small>成</small>	有	有
有	有	有	有	有	有	有	有	有 <small>順</small>	有	有	有
有	有	有	有	有	有	有	有	有	有	有	有
有 <small>都</small>	有	有	有	有	有	有	有	有	有	有	有
有	有	有	有	有	有	有	有	有	有	有	有

趙	易	祁	定	滄	景	德	濱	瀛	莫	雄	霸
有	有	有	有 <small>武</small>	有 <small>每</small>	有	有	有	有	有	有	有
唐	唐	唐	唐	唐	唐	唐	唐	唐	唐	唐	唐
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	有	有	有	有	有	有	有	有	有	有	有
有	有	有	有	有	有	有	有	有	有	有	有

五代史

天考三

六

有世宗

有世宗

有廢

新	漣	雲	朔	蔚	平	營	順	薊	檀	涿	幽
唐	唐	唐 <small>同大</small>	唐 <small>武</small>	唐	唐	唐	唐	唐	唐	唐	唐 <small>龍</small>
有	有	有	有	有	有	有	有	有	有	有	有
契丹	契丹	契丹	契丹	契丹	契丹	契丹	契丹	契丹	契丹	契丹	契丹
契丹	契丹	契丹	契丹	契丹	契丹	契丹	契丹	契丹	契丹	契丹	契丹
契丹	契丹	契丹	契丹	契丹	契丹	契丹	契丹	契丹	契丹	契丹	契丹

并	府	麟	憲	石	嵐	代	忻	寰	武	儒	媯
唐 <small>東河</small>	唐	唐	唐	唐	唐	唐 <small>門</small>	唐	唐	唐	唐	唐
有	有	有	有	有	有	有	有	有	有	有	有
有	有	有	有	有	有	有	契丹	契丹	契丹	契丹	契丹
有	有	有	有	有	有	有	契丹	契丹	契丹	契丹	契丹
東漢	有	東漢	東漢	東漢	東漢	東漢	契丹	契丹	契丹	契丹	契丹

五代史卷六十一

司天考三

常	潤	通	濠	泰	海	壽	廬	蘄	舒	黃	光
吳	吳		吳	吳	吳	吳 <small>正志</small>	吳	吳	吳	吳	吳
吳	吳		吳	吳	吳	吳	吳	吳	吳	吳	吳
南唐	南唐		南唐	南唐	南唐	南唐	南唐	南唐	南唐	南唐	南唐
南唐	南唐		南唐	南唐	南唐	南唐	南唐	南唐	南唐	南唐	南唐
南唐	南唐	有 <small>世宗</small>	有	有	有	有 <small>正志</small>	有 <small>義保</small>	有	有	有	有

和	滌	泗	楚	揚	遼	沁	潞	澤	濕	慈	汾
吳	吳	吳	吳	吳 <small>離</small>	唐	唐	唐 <small>義昭</small>	唐	唐	唐	唐
吳	吳	吳	吳	吳	有	有	有 <small>安義</small>	有	有	有	有
南唐	南唐	南唐	南唐	南唐	有	有	有	有	有	有	有
南唐	南唐	南唐	南唐	南唐	有	有	有	有	有	有	有
有	有	有	有	有	東漢	東漢	有	有	有	有	東漢

温	台	明	處	衢	婺	睦	秀	荆	歸	峽	益
吳越	吳越	吳越	吳越	吳越	吳越	吳越	南平	南平	南平	蜀	蜀
吳越	吳越	吳越	吳越	吳越	吳越	吳越	南平	南平	南平	有後蜀	蜀
吳越	吳越	吳越	吳越	吳越	吳越	吳越	南平	南平	南平	蜀	蜀
吳越	吳越	吳越	吳越	吳越	吳越	吳越	南平	南平	南平	蜀	蜀
吳越	吳越	吳越	吳越	吳越	吳越	吳越	南平	南平	南平	蜀	蜀
吳越	吳越	吳越	吳越	吳越	吳越	吳越	南平	南平	南平	蜀	蜀
吳越	吳越	吳越	吳越	吳越	吳越	吳越	南平	南平	南平	蜀	蜀

漢	彭	蜀	綿	眉	嘉	劍	梓	遂	果	閬	普
蜀	蜀	蜀	蜀	蜀	蜀	蜀	蜀	蜀	蜀	蜀	蜀
有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀

五

蜀

宜	昭	連	柳	融	辰	全	邵	永	道	岳	朗
楚	楚	楚	楚	楚	楚	楚	楚	楚	楚	楚	楚
楚	楚	楚	楚	楚	楚	楚	楚	楚	楚	楚	楚
楚	楚	楚	楚	楚	楚	楚	楚	楚	楚	楚	楚
楚	楚	楚	楚	楚	楚	楚	楚	楚	楚	楚	楚
南漢	南漢	南漢	南漢	南漢	楚	楚	楚	楚	楚	楚	楚
南漢	南漢	南漢	南漢	南漢	周行逢	周行逢	周行逢	周行逢	周行逢	周行逢	周行逢

澧	衡	潭	洋	梁	戎	渠	璧	集	蓬	巴	昌
楚	楚	楚	蜀	蜀	蜀	蜀	蜀	蜀	蜀	蜀	蜀
楚	楚	楚	蜀	蜀	蜀	蜀	蜀	蜀	蜀	蜀	蜀
楚	楚	楚	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀
楚	楚	楚	蜀	蜀	蜀	蜀	蜀	蜀	蜀	蜀	蜀
楚	楚	楚	蜀	蜀	蜀	蜀	蜀	蜀	蜀	蜀	蜀
楚	楚	楚	蜀	蜀	蜀	蜀	蜀	蜀	蜀	蜀	蜀
周行逢	周行逢	周行逢	蜀	蜀	蜀	蜀	蜀	蜀	蜀	蜀	蜀

五代史

卷三

五代史

卷三

欽	廣	橫	賓	潯	惠	鬱林	英	雄	瓊	崖	儋
南漢	南漢	南漢	南漢	南漢	南漢	南漢			南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢

萬安	羅	潘	勤	龍	辨
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢
南漢	南漢	南漢	南漢	南漢	南漢

汴州唐改曰宣武軍梁以汴州為開封府建為東都後唐
滅梁復為宣武軍晉天福三年升為東京漢周因之
洛陽梁唐晉漢周常以為為都唐故為東都梁為西都後唐
為洛京晉為西京漢周因之

雍州唐故上都昭宗遷洛廢為佑國軍梁初改京兆府曰
大安佑國軍曰永平唐滅梁復為西京晉廢為晉昌軍漢

改曰永興周因之

曹州故屬宣武軍節度晉開運二年置威信軍漢初軍廢周廣順二年復置彰信軍

宋州故屬宣武軍節度梁初徙置宣武軍唐滅梁改曰歸德

陳州故屬忠武軍節度晉開運二年置鎮安軍漢初軍廢周廣順二年復之

許州唐故曰忠武梁改曰匡國唐滅梁復曰忠武滑州唐故曰義成以避梁王父諱改曰宣義唐滅梁復其

襄州唐故曰山南東道唐梁之際改曰忠義軍後以延州為忠義襄州復曰山南東道

鄧州故屬山南東道節度梁破趙匡凝分鄧州置昌化軍唐改曰威勝周改曰武勝

安州梁置宣威軍唐改曰安遠晉罷漢復曰安遠周又罷晉州故屬護國軍節度梁開平四年置定昌軍貞明三年改曰建寧唐改曰建雄

金州故屬山南東道節度唐末置戎昭軍已而廢之遂入于蜀至晉高祖時又置懷德軍尋罷

陝州唐故曰保義梁改曰鎮國後唐復曰保義華州唐故曰鎮國梁改曰感化後唐復曰鎮國

同州唐故曰匡國梁改曰忠武後唐復曰匡國耀州本華原縣唐末屬李茂貞建為耀州置義勝軍梁末

帝時茂貞養子溫韜以州降梁梁改耀州為崇州義勝曰

靜勝後唐復爲耀州改曰順義

延州故屬保大軍節度梁置忠義軍唐改曰彰武

魏州唐故曰大名府置天雄軍五代皆因之後唐建鄴都

晉漢因之至周罷大名府後唐曰興唐晉曰廣晉漢周復

曰大名

澶州故屬天雄軍節度晉天福九年置鎮寧軍

相州故屬天雄軍節度梁末帝分置昭德軍而天雄軍亂

遂入于晉莊宗滅梁復屬天雄晉高祖置彰德軍

邢州故屬昭義軍節度昭義所統澤潞邢洛磁五州唐末

孟方立爲昭義軍節度使徙其軍額于邢州而澤潞二州

入于晉方立但有邢洛磁三州故當唐末有兩昭義軍梁

晉之爭或入于梁或入于晉梁以邢洛磁三州爲保義軍

莊宗滅梁改曰安國

鎮州故曰成德軍梁初以成音犯廟諱改曰武順唐復曰

成德晉又改曰順德漢復曰成德

應州故屬大同軍節度唐明宗即位以其應州人也乃置

彰國軍新州唐同光元年置威塞軍

府州晉置永安軍漢罷之周復

并州後唐建北都其軍仍曰河東

路州唐故曰昭義梁末帝時屬梁改曰匡義歲餘唐滅梁

改曰安義晉復曰昭義

盧州周世宗克淮南置保信軍

壽州唐故曰忠正南唐改曰清淮周世宗平淮南復曰忠

五代之際外屬之州揚州曰淮南宣州曰寧國鄂州曰武昌洪州曰鎮南福州曰武威杭州曰鎮海越州曰鎮東江陵府曰荆南益州梓州曰劍南東西道遂州曰武信興元府曰山南西道洋州曰武定黔州曰黔南潭州曰武安桂州曰靜江容州曰寧遠邕州曰建武廣州曰清海皆唐故號更五代無所易而今因之者也其餘僭偽改置之名不可悉考而不足道其因著于今者略注于譜

濟州周廣順二年置割鄆州之鉅野鄆城兗州之任城單州之金鄉為屬縣而治鉅野

單州唐末以宋州之碭山梁太祖鄉里也為置輝州已而徙治單父後唐滅梁改輝州為單州其屬縣置徙傳記不同今領單父碭山成武魚臺四縣

耀州李茂貞置治華原縣梁初改曰崇州唐同光元年復為耀州

解州漢乾祐元年九月置割河中之聞喜安邑解三縣為屬而治解

威州晉天福四年置割靈州之方渠寧州之木波烏嶺三

鎮為屬而治方渠周廣順二年改曰環州顯德四年廢為

通遠軍五代置軍六皆寄治於縣隸於州故不別出監者物務之名爾故不載於地理皇朝軍監始自置屬縣與州府並列矣

乾州李茂貞置治奉先縣

磁州梁改曰惠州唐復曰磁州

景州唐故置弓高周顯德二年廢為定遠軍割其屬安陵

縣屬德州廢弓高縣入東光縣為定遠軍治所

濱州周顯德三年置以其濱海為名初五代之際置推益

務於海傍後為贍國軍周因置州割棣州之渤海蒲臺為屬縣而治渤海

雄州周顯德六年克瓦橋關置治歸義割易州之容城為屬尋廢

霸州周顯德六年克益津關置治永清割莫州之文安瀛州之大城為屬

通州本海陵之東境南唐置靜海制置院周世宗克淮南升為靜海軍後置通州分其地置靜海海門二縣為屬而治靜海

筠州南唐李景置割洪州之高安上高萬載清江四縣為屬而治高安

劍州南唐李景置割建州之延平劍浦富沙三縣為屬而

治延平

全州楚王馬希範置以潭州之湘川縣為清湘縣又割淮陽縣為屬而治清湘

秀州吳越王錢元瓘置割杭州之嘉興縣為屬而治之

雄州南漢劉龔割韶州之保昌置治保昌

英州南漢劉龔割廣州之瀘陽置治瀘陽

開封府故統六縣梁開平元年割滑州之酸棗長垣鄭州之中牟陽武宋州之襄邑曹州之考城更曰戴邑許州之扶溝陽陵陳州之太康隸焉唐分酸棗中牟襄邑陽陵太

康五縣還其故晉升汴州為東京復割五縣隸焉
雍丘晉改曰杞漢復其故長垣唐改曰匡城
黎陽故屬滑州晉割隸衛州

葉襄城故屬許州唐割隸汝州

楚丘故屬單州梁割隸宋州

密州膠西故曰輔唐梁改曰安丘唐復其故晉改曰膠西
渭南故屬京兆周改隸華州

同官故屬京兆府梁割隸同州唐割隸耀州

美原故屬同州李茂貞置昂州而治之梁改爲裕州屬順
義軍節度後不見其廢時唐同光三年割隸耀州

平涼故屬涇州唐末渭州陷吐蕃權於平涼置渭州而縣
廢後唐有泰三年以故平涼之安國耀武兩鎮置平涼縣

屬涇州

臨涇故屬涇州唐末原州陷吐蕃權於臨涇置原州而涇
州兼治其民後唐清泰三年割隸原州

鄜州咸寧周廢

稷山故屬河中唐割隸絳州

慈州作城呂香周廢

大名府大名唐故曰貴鄉後唐改曰廣晉漢改曰大名
滄州長蘆乾符周廢入清池無隸周置保順軍

安陵故屬景州周割隸德州

澶州頓丘晉置德清軍

博州武水周廢入聊城

博野故屬深州周割隸定州

武康故屬湖州梁割隸杭州

福州閩清梁乾化元年王審知於梅溪場置

蘇州吳江梁開平三年錢鏐置

明州望海梁開平二年錢鏐置

夔州長松故曰松陽梁改曰長松

潭州龍喜漢乾祐三年馬希範置

天長六合故屬揚州南唐以天長為軍六合為雄州周復

故

漢陽故屬鄂州周置漢陽軍

汝州故屬沔州周割隸安州

襄州樂鄉周廢入宜城

鄧州臨湍漢改曰臨瀨荆潭向城周廢

復州竟陵晉改曰景陵

監利故屬復州梁割隸江陵

唐州慈丘周廢

商州乾元漢改曰乾祐割隸京兆

各南故屬華州周割隸唐州

隨州唐城梁改曰漢東後唐復舊名又改漢東漢復舊

雄勝軍本鳳州固鎮周置軍

秦州天水隴城唐末廢後唐復置

成州栗亭後唐置

自唐有方鎮而史官不錄於地理之書以謂方鎮兵戎之

事非職方所掌故也然而後世因習以軍自地而沒其州

名若今永興本節度軍名而今命守臣遂曰又今置軍者徒以虛

名知永興軍府事而不言雍州京兆是也於五代若五代所置而見於今者及縣之割隸今因之者

皆宜列以備職方之考其餘嘗置而後廢嘗改割而後舊

於五代若五代所置而見於今者及縣之割隸今因之者

者皆不足書山川物俗職方之掌也五代短世無所遷變故亦不復錄而錄其方鎮軍名以與前史互見之云

五代史記卷第六十

五代史記卷第六十一

吳世家一

宋歐陽脩撰徐無黨注明汪文盛高澂傅汝舟校

嗚呼自唐失其政天下乘時黥髡盜販哀冕戎魏吳暨南唐文奴豪竊攘蜀險而富富漢險而貧貧能自彊富者先亡閩陋荆威楚疋開蠻服剝剝弗堪吳越其尤牢牲視人嶺蠻遭劉百年之間並起爭雄山川亦絕風氣不通語曰清風興群陰伏日日出燭火息故真人作而天下同作十國世家

楊行密字化源廬州合肥人也爲人長大有力能手舉百斤唐乾符中江淮群盜起行密以爲盜見獲刺史鄭元奇其狀貌釋縛縱之後應募爲州兵戍朔方遷隊長歲滿戍還而軍吏惡之復使出戍行密將行過軍吏舍軍吏陽爲

好言問行密行何所欲行密奮然曰惟少公頭爾即斬其
首攜之而出因起兵爲亂自號八營都知兵馬使刺史郎
幼復弃城走行密遂據廬州中和三年唐即拜行密廬州
刺史淮南節度使高駢爲畢師鐸所攻駢表行密行軍司
馬行密率兵數千赴之行至天長師鐸已囚駢召宣州秦
彥入揚州行密不得入屯于蜀岡師鐸率衆數萬出擊行
密行密陽敗弃營走師鐸兵饑乘勝爭入營取軍實行密
反兵擊之師鐸大敗單騎走入城遂殺高駢行密聞駢死
縞軍向城哭三日攻其西門彥及師鐸奔于東塘行密遂
入揚州是時城中倉廩空虛饑民相殺而食其夫婦父子
自相牽就屠賣之屠者割剔如羊豕行密不能守欲走而
蔡州秦宗權遣其弟宗衡掠地淮南彥及師鐸還自東塘

與宗衡合行密閉城不敢出已而宗衡爲偏將孫儒所殺
儒攻高郵破之行密益懼其客表襲曰吾以新集之衆守
空城而諸將多駢舊人非有厚恩素信力制而心服之也
今儒兵方盛所攻必克此諸將持兩端因疆弱擇嚮背之
時也海陵鎮使高霸駢之舊將必不爲吾用行密乃以軍
令召霸霸率其兵入廣陵行密欲使霸守天長襲曰吾以
疑霸而召之其可復用乎且吾能勝儒無所用霸不幸不
勝天長豈吾有哉不如殺之以并其衆行密因犒軍擒霸
族之得其兵數千已而孫儒殺秦彥畢師鐸并其兵以攻
行密行密欲走海陵襲曰海陵難守而廬州吾舊治也城
廩完實可爲後圖行密乃走廬州久之未知所嚮問襲曰
吾欲卷甲倍道西取洪州可乎襲曰鍾傳新得江西勢未

可圖而秦彥之入廣陵也召池州刺史趙錙委以宣州今
彥且死錙失所恃而守宣州非其本志且其為人非公敵
此可取也行密乃引兵攻錙戰于昌山大敗之進圍宣州
錙弃城走追及殺之行密遂入宣州龍紀元年唐拜行密
宣州觀察使行密遣田頔安仁義李神福等攻浙西取蘇
常潤州二年取滁和州景福元年取楚州孫儒自逐行密
入廣陵久之亦不能守乃焚其城殺民老疾以餉軍驅其
衆渡江號五十萬以攻行密諸將田頔劉威等遇之輒敗
行密欲走銅官其客戴友規曰儒來氣銳而兵多蓋其鋒
不可當而可以挫其衆不可敵而可久以蔽之若避而走
是就擒也劉威亦曰背城堅柵可以不戰疲之行密以為然
久之儒兵饑又大疫行密悉兵擊之儒敗被擒將死仰顧

見威曰聞公爲此策以敗我使我有將如公者其可敗邪
行密收儒餘兵數千以皂衣蒙甲號黑雲都常以爲親軍
是歲復入揚州唐拜行密淮南節度使乾寧二年加檢校
太傅同中書門下平章事行密以田頔守宣州安仁義守
潤州昇州刺史馮弘鐸來附分遣頔等攻掠自淮以南江
以東諸州皆下之進攻蘇州擒其刺史成及四年兗州朱
瑾奔于行密初瑾爲梁所攻求救于晉晉遣李承嗣將勁
騎數千助瑾瑾敗因與俱奔行密行密兵皆江淮人淮人
輕弱得瑾勁騎而兵益振是歲梁太祖遣葛從周龐師古
攻行密壽州行密擊敗梁兵清口殺師古而從周收兵走
追至淝河又大敗之五年錢鏐攻蘇州及周本戰于白方
湖本敗蘇州復入于越天復元年遣李神福攻越戰臨安

大敗之擒其將顧全武以歸二年馮弘鐸叛襲宣州及田
頡戰于烏山弘鐸敗將入于海行密自至東塘邀之使人
謂弘鐸曰勝敗用兵常事也一戰之衄何苦自弃于海
吾府雖小猶足容君弘鐸感泣行密從十餘騎馳入其軍
以弘鐸歸為節度副使以李神福代弘鐸為昇州刺史是
歲唐昭宗在岐遣江淮宣諭使李儼拜行密東面諸道行
營都統檢校太師中書令封吳王三年以李神福為鄂岳
招討使以攻杜洪荆南成汭救洪神福敗之于君山梁兵
攻青州王師範來求救遣王茂章救之大敗梁兵殺朱友
寧友寧梁太祖子也太祖大怒自將以擊茂章兵號二十
萬復為茂章所敗田頡叛襲昇州執李神福妻子歸于宣
州行密召神福以討頡頡遣其將王壇逆之又遣神福書

以其妻子招之神福曰吾以一卒從吳王起事今為大將
乃背德而顧妻子乎立斬其使以自絕軍士聞之皆感奮
行至吉陽磯頡執神福子承鼎以招之神福叱左右射之
遂敗壇兵于吉陽行密別遣臺蒙擊頡頡敗死初頡及安
仁義朱延壽等皆從行密起微賤及江淮用定思漸休息
而二人者皆猛悍難制頡欲除之未有以發天復二年錢
鏐為其將許再思等叛而圍之再思召頡攻鏐杭州垂克
而行密納鏐賂命頡解兵頡恨之頡嘗計事廣陵行密諸
將多就頡求賂而獄吏亦有所求頡怒曰吏欲我下獄邪
歸而遂謀反仁義聞之亦反焚東塘以襲常州常州刺史
李遇出戰望見仁義大罵之仁義止其軍曰李遇乃敢辱
我如此其必有伏兵遂引軍却而伏兵果發追至夾岡仁

義植幟解甲而食遇兵不敢追仁義復入潤州行密遣王茂章李德誠米志誠等圍之吳之軍中推朱瑾善禦志誠善射皆爲第二而仁義常以射自負曰志誠之弓十不當瑾禦之一瑾禦之十不當仁義弓之一每與茂章等戰必命中而後發以此吳軍畏之不敢近行密亦欲招降之仁義猶豫未決茂章乘其怠亮地道而入執仁義斬于廣陵延壽者行密夫人朱氏之弟也頽及仁義之將叛也行密疑之乃陽爲目疾每接延壽使者必錯亂其所見以少之嘗行故觸柱而仆朱夫人扶之良久乃蘇泣曰吾業成而喪其目是天廢我也吾兒子皆不足以任事得延壽付之吾無恨矣夫人喜急召延壽延壽至行密迎之寢門刺殺之出朱夫人以嫁之天祐二年遣劉存攻鄂州焚其城

城中兵突圍而出諸將請急擊之存曰擊之復入則城愈固聽其去城可取也是日城破執杜洪斬于廣陵九月梁兵攻破襄州趙匡凝奔于行密十一月行密卒年五十四謚曰武忠子渥立溥僭號追尊行密爲太祖武皇帝陵曰

顯陵

渥字承天行密長子也行密病出渥爲宣州觀察使右衙指揮使徐溫私謂渥曰今王有疾而出嫡嗣必有女奴臣之謀若他日召子非溫使者憤無應命渥涕泣謝溫而去行密病甚命判官周隱作符召渥隱慮渥幼弱不任事勸行密用舊將有威望者代主軍政乃薦大將劉威行密未許溫與嚴可求入問疾行密以隱議告之溫等大驚遽詣隱所計事隱未出而溫見隱作召符猶在案上急取遣之渥

見温使者乃行行密卒渥嗣立召周隱罵曰汝欲賣吾國者復何面目見楊氏乎遂殺之以王茂章爲宣州觀察使渥之入也多輦宣州庫物以歸廣陵茂章惜而不與渥怒命李簡以兵五千圍之茂章奔于錢塘天祐三年二月劉存取岳州四月江西鍾傳卒其子匡時代立傳養子延規怨不得立以兵攻匡時渥遣秦裴率兵攻之九月克洪州執匡時及其司馬陳象以歸斬象於市赦匡時以秦裴爲江西制置使梁太祖代唐改元開平渥仍稱天祐鄂州劉存岳州陳知新以舟師伐楚敗于瀏陽楚人執存及知新以歸楚王馬殷素聞其名皆欲活之存等大罵殷曰昔歲宣城脫吾刃下今日之敗乃天亡我我肯事汝以求活邪我豈負楊氏者殷知不可屈乃殺之岳州復入于楚初渥

之入廣陵也留帳下兵三千於宣州以其腹心陳璠范遇將之既入立惡徐温典牙兵召璠等爲東院馬軍以自衛而温與左衙都指揮使張顥皆行密時舊將又有立渥之功共惡璠等侵其權四年正月渥視事璠等侍側温顥擁牙兵入拽璠等下斬之渥不能止由是失政而心憤未能發温等益不自安五年五月温顥共遣盜入寢中殺渥渥說群盜能反殺温等者皆爲刺史群盜皆諾惟紀祥不從執渥縊殺之時年二十三謚曰景弟隆演立溥僭號追尊渥爲烈宗景皇帝陵曰紹陵

隆演字鴻源行密第二子也初名瀛又名渭初温顥之弑渥也約分其地以臣於梁及渥死顥欲背約自立温患之問其客嚴可求可求曰顥雖剛愎而闇於成事此易爲也

明日顓列劔戟府中召諸將議事自大將朱瑾而下皆去
衛從然後入顓問諸將誰當立者諸將莫敢對顓三問可
求前密啓曰方今四境多虞非公主之不可然恐爲之太
速且今外有劉威陶雅李簡李遇皆先王一等入也公雖
自立未知此輩能降心以公事否不若輔立幼主漸以歲
時待其歸心然後可也顓不能對可求因趨出書一教內
袖中率諸將入賀諸將莫知所爲及出教宣之乃溼母史
氏教言楊氏創業艱難而嗣王不幸隆演以次當立告諸
將以無負楊氏而善事之辭旨激切聞者感動顓氣色皆
沮卒無能爲隆演乃得立顓由此與溫有隙諷隆演出溫
潤州可求謂溫曰今捨衙兵而出外郡禍行至矣溫患之
可求因說顓曰公與徐溫同受顧託議者謂公奪其衙兵

是將殺之於外信乎顓曰事已行矣安可止乎可求曰甚
易也明日從顓與諸將造溫可求陽責溫曰古人不忘一
飯之恩况公楊氏三世之將今幼嗣新立多事之時乃求
居外以苟安乎溫亦陽謝曰公等見留不顓去也由是不
行行軍副使李承嗣與張顓善溫見可求有附溫意諷顓使
客夜刺殺之客刺可求不能中明日可求詣溫謀先殺顓
陰遣鍾章選壯士三十人就衙堂斬顓因以弑溼之罪歸
之溫由是專政隆演備位而已六月撫州危全諷叛攻洪
州袁州彭彥章吉州彭玕信州危仔倡皆起兵叛隆演召
嚴可求問誰可用者可求薦周本時本方攻蘇州敗歸慙
不肯出可求彊起之本曰蘇州之敗非怯也乃上將權輕
而下多專命爾若必見任顓無用偏裨乃請兵七千戰于

象牙潭敗之執全諷彥章而珥奔于楚仔倡奔于錢塘全諷至廣陵諸將議曰昔先王攻趙鏗全諷屢饒給吳軍乃釋不殺初全諷欲舉兵也錢鏐送王茂章于梁道過全諷謂曰聞公欲大舉願見公兵以知濟否全諷陣兵與茂章登城望之茂章曰我素事吳吳兵三等如公此衆可當其下將爾非得益兵十萬不可而全諷卒以此敗八年徐溫領昇州刺史治舟師於金陵宣州李遇自行密時爲大將勲位已高憤溫用事嘗曰徐溫何人吾猶未識而驟至於此溫聞之怒遣柴再用以兵送王壇代遇且召之遇疑不受命再用圍之隆演使客將何堯諭遇使自歸堯因說曰公若欲反可殺堯以示衆若本無心何不隨堯以出遇自以無反心乃隨堯出溫諷再用伺其出殺之并族其家九

年溫率將吏進隆演位太師中書令吳王溫爲行軍司馬鎮海軍節度使同中書門下平章事陳章攻楚取岳州執其刺史苑攻十年越人攻常州徐溫敗之于無錫梁遣王茂章攻壽春溫敗之于霍丘十二年封徐溫齊國公兩浙都招討使始鎮潤州留其子知訓爲行軍副使秉政而大事溫遙決之冬濬揚林江水中出火可以燃十三年宿衛將李球馬謙挾隆演登樓取庫兵以誅知訓陣于門橋知訓與戰頻却朱瑾適自外來以一騎前視其陣曰此不足爲也因返顧一麾外兵爭進遂斬球謙而亂兵皆潰十四年徐溫徙治金陵十五年遣王祺會洪袁信三州兵攻虔韶父之不克祺病以劉信代之夏四月副都統朱瑾殺徐知訓瑾自殺潤州徐知誥聞亂率兵入殺唐宣諭使李巖

以止亂遂秉政徐氏之專政也隆演幼懦不能自持而知訓左凌侮之嘗飲酒樓上命優人高貴卿侍酒知訓爲參軍隆演鶉衣髻髻爲蒼鶻知訓嘗使酒罵坐語侵隆演隆演愧耻涕泣而知訓愈辱之左右扶隆演起去知訓殺更一人乃止吳人皆反目知訓又與朱瑾有隙瑾已殺知訓携其首馳府中示隆演曰今日爲吳除患矣隆演曰此事非吾敢知遽起入內瑾忿然以首擊柱提劍而出府門已闔踰垣折其足遂自刎死米志誠聞瑾殺知訓被甲率其家兵至天興門問瑾所在聞瑾死乃還徐溫疑志誠助瑾遣使殺之嚴可求懼事不克使人僞從湖南境上來告軍捷召諸將入賀擒志誠斬之劉信克虔州執譚全播以歸十六年春二月溫率將吏請略演即天子位不許夏四月

溫奉玉冊寶經尊隆演即吳王位建宗廟社稷設百官如天子之制改天祐十六年爲武義元年大赦境內追尊行密孝武王廟號太祖渥景王廟號烈祖拜溫大丞相都督中外諸軍事封東海郡王以徐知誥爲左僕射參知政事嚴可求爲門下侍郎駱知祥爲中書侍郎殷文圭沈顏爲翰林學士盧擇爲吏部尚書李宗陳璋爲左右雄武統軍柴再用錢鏐爲左右龍武統軍王令謀爲內樞使江西劉信征南大將軍鄂州李簡鎮西大將軍撫州李德誠平南大將軍廬州張宗安西大將軍海州王綰鎮東大將軍文武以次進位封宗室皆郡公溫之徒鎮金陵也以其養子知誥守潤州嚴可求嘗謂溫曰二郎君非徐氏子而推賢下士人望頗歸若不去之恐爲後患溫不能用其言及知

誥秉政其語世知誥出可求於楚州可求懼詣金陵見溫
謀曰唐亡於今十二年而吳猶不敢改天祐可謂不負唐
矣然吳所以征伐四方而建基業者常以復興爲辭今聞
河上之戰梁兵屢絀若李氏復興其能屈節乎宜於此時
先建國以自立溫深然之因留可求不遣方謀迫隆演僭
號二年五月隆演卒隆演少年嗣位權在徐氏及建國稱
制非其意常怏怏酣飲稀復進食遂至疾卒年二十四謚
曰宣弟溥立僭號追尊爲高祖宣皇帝陵曰肅陵

溥行密第四子也隆演建國封丹陽郡公隆演卒弟廬
公蒙次當立而徐氏秉政不欲長君乃立溥七月改昇州
大都督府爲金陵府拜徐溫金陵尹明年二月改元順義
赦境內冬十一月祀天於南郊御天興樓大赦拜徐溫太

師嚴可求右僕射三年唐莊宗滅梁遣司農卿盧贍使于
唐嚴可求密條數事授之以行贍見洛陽莊宗問之贍次
第以對皆如所授四年溥至白沙閱舟師徐溫來見以白
沙爲迎鑾鎮五年唐遣諫議大夫薛昭文使福州假道江
西劉信出勞之謂曰亞次聞有信否昭文曰天子新有河
南未熟公名也信曰漢有韓信吳有劉信君還其語亞次
當來較射於淮上也乃酌大卮望牙旗斃首自步謂昭文
曰一斃而中領以此卮爲壽否則亦以自罰言訖而前已
穿矣六年追爵大丞相徐溫四代祖考立廟於金陵左僕
射徐知誥爲侍中右僕射嚴可求同平章事是歲莊宗崩
五月丁卯詔爲同光王輟朝七日七年大丞相徐溫率吳
文武上表勸溥即皇帝位溥未許而溫病十月溫卒十月

庚戌溥御文明殿即皇帝位改元曰乾貞大赦境內追尊
行密武皇帝渥景皇帝隆演宣皇帝以徐知誥為太尉兼
侍中拜溫子知詢輔國大將軍金陵尹治溫舊鎮諸子皆
封王二年正月封東海為廣德王江濱廣源王淮濱長源
王馬當上水府寧江王米石中水府定江王金山下水府
鎮江王六月荆南高季興來附封季興秦王九月季興敗
楚師於白田獲其將吏三十四人來獻二年十一月金陵
尹徐知詢來朝知誥証其有反狀留之不遣以為左統軍
斬其客將周廷望以徐知諤為金陵尹溥加尊號睿聖
明孝皇帝大赦境內改元大和以徐知誥為中書令二年
冊其子江都王璉為太子三年以徐知誥為金陵尹以其
子景通為司徒及左僕射王令謀右僕射宋齊丘皆平章

事四年封知誥東海王五年建都於金陵六年閏正月金
陵火罷建都廢臨川王濠為歷陽公知誥遣親信王宏以
兵守之拜王令謀司徒宋齊丘司空知誥召景通還金陵
為鎮海軍節度副使以其子景遷為太保平章事與令謀
等執政七年九月溥加尊號曰睿聖文明光孝應天弘道
廣德皇帝大赦改元天祚知誥進位太師天下兵馬大元
帥封齊王二年景遷病以次子景遂為門下侍郎參政事
三年知誥建齊國立宗廟社稷置左右丞相已下以金陵
為西都廣陵為東都冬十月溥遣江夏王麟奉冊禪位於
齊王十二月溥卒於丹陽年三十八謚曰睿昇元六年李
昇遷其子孫於海陵號永寧宮嚴兵守之絕不通人久而
男女自為匹偶吳人多哀憐之顯德三年世宗征淮南下

詔撫安楊氏子孫而李昇聞之遣人盡殺其族周先鋒都
部署劉重進得其王硯馬腦斃翡翠瓶以獻楊氏遂絕
徐溫字敦美海州朐山人也少以販鹽爲盜行密起合肥
以隸帳下行密所與起事劉城陶雅之徒號二十六英雄
獨溫未嘗有戰功及行密欲殺朱延壽等溫用其客嚴奇
求謀教行密陽爲目疾事成以功遷右衛指揮使始預謀
議及行密病平生舊將皆以戰守在外而溫居帳下遂預
立渥之功及弑渥又與張顥有隙使鍾章殺之章許諾選
壯士三十人椎牛享之刺血爲盟溫猶疑章不果夜半使
人探其意陽謂曰溫有老母懼事不成不如且止章曰言
已出口寧可已乎溫乃安明日鍾章殺顥溫因盡殺紀祥
等歸弑渥之罪於顥以其事入白渥母史氏史氏悼而泣

曰吾兒年幼禍亂若此得保百口以歸合肥公之惠也
演立溫遂專政遷昇州刺史治舟師於金陵大將李漢
溫用事出嫚言溫使柴再用族遇於宣州行密舊將人
皆自疑溫因爲下之恭謹如見行密諸將乃安公年溫遷
行軍司馬潤州刺史鎮海軍節度使同平章事十年遣招
討使李濤攻越戰于臨安裨將曹筠奔于越濤敗被執溫
間遣人語筠曰吾用汝爲將汝軍有求吾不能給是吾過
也赦筠妻子不誅厚遇之秋越人攻毗陵溫戰于無錫筠
感溫前言臨陣奔歸遂敗越兵十二年封溫齊國公兼兩
浙招討使始就鎮潤州以昇潤宣常池黃六州爲齊國溫
城昇州建大都督府十四年徙治之以其子知訓輔隆演
於廣陵而大事溫遙決之知訓爲朱瑾所殺溫養子知誥

自潤州先入遂得政溫雖女姦詐多疑而善用將吏江西劉
信園虔州久不克使人說譚全播出降遣使報溫溫怒曰
信以十倍之衆攻一城不下而反用說客降之何以威敵
國咎其使者而遣之曰吾以信信也因命濟師遂破全播
人有誣信逗留陰縱全播言信將反者信聞之因自獻捷
至金陵見溫溫與信博信斂骰子厲聲祝曰劉信欲背吳
願為惡彩苟無二心當成渾花溫遽止之一擲六子皆赤
溫慙自以卮酒飲信然終疑之及唐師伐王衍溫急召信
至廣陵以爲左統軍託以內備遂奪其地溫客尤見信者
惟駱知祥嚴可求可求善籌畫知祥長於財利溫嘗以軍
餼問可求國用問知祥吳人謂之嚴駱溫亦自喜爲智詐
尤得吳人之心初隨行密破趙鐙諸將皆爭取金帛溫獨

據餘困作粥以食餓者十六年溫請隆演即皇帝位不許
又請即吳王位乃許遂建國改元拜溫大丞相都督中外
諸軍事封東海郡王隆演卒溫越次立其弟溥順義十年
溫又請溥即皇帝位溥未許而溫病卒年六十六追封齊
王謚曰忠武李昇僭號號溫爲義祖

嗚呼盜亦有道信哉行密之書稱行密爲人寬仁雅信能
得士心其將蔡傳叛於廬州采毀行密墳墓及傳敗而諸
將皆請毀其墓以報之行密嘆曰傳以此爲惡吾豈復爲
邪嘗使從者張洪負劔而侍洪拔劔擊行密不中洪死復
用洪所善陳紹負劔不疑又嘗罵其將劉信信忿奔孫孺
行密戒左右勿追曰信豈負我者邪其醉而去醒必復來
明日果來行密起於盜賊其下皆驍武雄暴而樂爲之用

者以此也故二世四主垂五十年及渥已下政在徐溫於
此之時天下大亂中國之禍莫弒相尋而徐氏父子區區
詐力裴回三主不敢輕取之何也豈其因心威亦有在人者
歟據吳錄連歷圖九國志皆云行密以唐景福元年再入揚州至晉天
與福二年為李昇所篡景福四年而舊唐書舊五代史皆云大順二
年入揚州至被篡四十七年吳錄徐鉉等撰連歷圖龔穎撰二人皆江南
故臣所記宜得實而唐末喪亂中朝文字多差失故今以鉉穎所記為定

五代史記卷第六十一

